

**GR MIKELDI 229 BIDEAREN
MANTENIMENDURAKO KONTRATUA
ESLEITZEKO OINARRIEN PLEGUA**

AURREKARIAK

Urkiola Landa Garapenerako Alkartea Landa Garapenaren inguruko elkarte da, 1986an sortutako, irabazi asmorik gabekoa. Elkarte honen kideak, Durangaldeko udal guztiez gain, Durangaldeko beste elkarte batzuk eta bestelako eragileak dira.

Elkarte honen betekizunen artean, besteak beste, Durangaldea zeharkatzen duen GR-229 MIKELDI ibilbidea zaintzea eta mantentzea dago, ibilbide hau 5 etapatan banatzen delarik, guztira 86 kilometroko luzera izanik.

Hauek dira etapak:

1. **Durango-Atxondo: 17 km. 5 ordu. Erraza.**

Durango (100 m.) - Mañaria (200 m.) - Gatzagieta (600 m.) - Atxarte (300 m.) - Sagasta (400 m.) - Axpe (200m.) - Atxondo (150m.)

2. **Atxondo-Berriz: 8,5 km. 3 ordu. Erraza.**

Atxondo – Elorrio - San Agustin Etxebarria (150 m.) – Berriozabaleta (320 m.) – Miotako gana (220 m.) – Leiz (320 m.) – Murgoitio (300 m.) – Berriz (150 m.)

3. **Berriz-Garai. 15 km. 4,5. Erraza**

Berriz- San Migel Zaldibar (200 m.) - Goierri (320m.)- Zengotita (400 m.)- Done Kristobal (500 m.) – Andikoa Berriz (300 m.) – Garai (350 m.)

4. **Garai-Amorebieta_Etxano: 16,5 km. 5 ordu. Erraza.**

Garai – Maguna (500 m.) – Laisiar (410 m.) Oromiño (110 m.) – Dudea San Migel (90 m.) – Derandain (160 m.) – Amorebieta-Etxano (120 m.)

5. **Amorebieta-Etxano-Durango: 17 km. 5 ordu. Erraza.**

Amorebieta-Etxano- Belatxikieta (600 m.)- Betsuen – Gibela (320 m.) – Santa Luzia (380 m.) – San Andres (250 m.) - Durango (100).

ESLEIPENAREN XEDEA

Lehiaketa honen bidez pertsona fisiko edo juridiko bat kontratatu nahi da GR-229 MIKELDI ibilbidea zaindu eta mantentzeko.

Esleipenaren helburu nagusia bidea garbi izatea da, agertzen diren zaborrak batuz, bidea oztopatzen duten adarrak eta landareak moztuz edo kenduz, eta bidean ager litezkeen oztopoak kenduz. Aldi berean ibilbidearen zehar gida moduan dauden margoztutako markak zein seinaleak berriztatu beharko dira, dagozkien kolore eta pintura mota erabiliz. Seinale bertikalen egoeraren berri emon eta dagozkien lanak Urkiola Landa Garapenerako Alkarteari proposatuz, berak onar ditzan. Pintura eta seinaleen kosteak Urkiola Landa Garapenerako Alkartearen kargu joango dira.

Lan hauek betetzeko, esleipendunak behar diren erramintak, oinarrizko materialak eta tresnak izan beharko ditu, eta lanak egingo dira:

- Lanegun orotan lau ordutan lan egiten kontratuaren xedea hau betetzeko
- Lanen maiztasuna ibilbide bakoitzarekiko Elkarte honen Gerentearekin adostuko da, honek zehaztuko dituelarik lehentasunak eta garrantzia duten lanak.

KONTRATUAREN IZAERA

Kontratuak zerbitzuen alokairuaren izaera izango du, urtebete biko iraupenarekin.

Kontratu hau Arlo Publikoaren Kontratuei buruzko azaroaren 8ko, 9/2017 Legearen 318. Artikulua oinarritzat hartuta esleitzen da, Urkiola Landa Garapenerako Alkartea botere esleitzaila den heinean, eta kontratuaren munta 15.000 eurotara (gehi BEZa) ez iristeagatik.

GAINBEGIRATZE ETA KONTROLA

Urkiola Landa Garapenerako Alkarteari lanen ikuskaritza, gainbegiratzea eta jagotea dagokio.

Honetarako esleipendunak Urkiola Landa Garapenerako Alkartearen Presidentea eta Gerenteari baimenduko die lanen gainbegiratzea, hauen aginduak eta instrukzioak bete beharko dituelarik.

Ohiko gainbegiratze eta kontrola Gerenteari egokituko zaio.

KONTRATATZEKO ERA

Iragarki bat argitaratuko da Urkiola Landa Garapenerako Alkartearen webgunean, eta Elkarte honen kideak diren udalei bidaliko die, hauek euren iragarkien tauletan argitara dezaten.

Eskaintzak aurkezteko epea irekita egongo da 2020.eko maiatzaren 29ra arte.

Eskaintzak jasorik, kontratazio mahaiak batzartuko da, Zuzendaritza Batzorde osoak osaturik, aurkeztu den eskatutako dokumentazioa aztertzeke eta esleitzailen kaudimena frogatu den aztertzeke.

Esleitzaileren bati zerbait faltako balitzaio, falta dena aurkezteko hiru eguneko epea emango zaio falta zaiona aurkezteko edo eskaintza konpontzeke. Emandako epean aurkeztuko ez balu, bere eskariari uko egiten diola ulertuko da.

Onartzen diren eskaintzen artean, kontratazio mahaiak balorazioa egingo du, eta kontratua nori eman behar zaion erabaki beharko du.

Horrez gero, kontratua sinatu beharko da

AURKEZTU BEHARREKO DOKUMENTAZIOA ETA BETEKIZUNAK

Parte hartu nahi duten pertsonak, baltzuek edo elkarteek gutunazal bi aurkeztu beharko dute.

Lehenengoan, A izenarekin, esleitzailen nortasun juridikoa frogatzen duten agiriak aurkeztuko dira:

- a) Pertsona fisikoen kasuan: Nortasun agiriaren kopia, adinez nagusia izan behar dela.
- b) Pertsona juridikoen kasuan: eratzeko eskritura edo agiria, estatutuak edo eratzeko akta, bere jarduera arautzen badute, eta dagokion erregistroan behar bezala inskribaturik izatekotan.
- c) Pertsona juridikoen kasuan, eskaintza aurkezten duenaren boterea eta bere Nortasun agiria.
- d) Arlo Publikoaren Kontratuei buruzko azaroaren 8ko Legearen 71. Artikuluan jasotzen den legez, Administrazio Publikoarekin kontratatzeke debekurik ez izateko zin egindako adierazpena.
- e) Kaudimen ekonomikoa: Bere merkataritza joera zuzena dela egiaztatzen duen Finantza erakunde batek emandako egiaztagiria.
- f) Kaudimen tekniko eta profesionala:

1. Esleitzailleek, pertsona juridikoak izatekotan, euren estatutuetan eta zerga-aitopenean nekazaritza arloko jarduera izan beharko dute.

2. Esleitzailleek, pertsona fisikoak izatekotan, Gizarte Segurantzaren Nekazaritza arloan altan egon beharko dira eta nekazaritza arloko jarduera deklaratu beharko dute.

3. Nekazaritza arloko tresna eta lanabesen ezagutza praktikoa eta GPSaren erabileraren eta GIS sistemaren ezagutza teoriko eta praktikoa. Hau frogatzeko agindutako egindako adierazpena aurkeztuko da. Pertsona juridikoa izatekotan, lana egingo duen langileari buruzko aldarrikapena aurkeztu beharko da.

Bigarrean, B izenarekin, esleitzeko irizpideak frogatzeko agiriak aurkeztuko dira.

ESLEITZEKO IRIZPIDEAK

Kontratua, hurrengo irizpideak aplikaturik, puntu gehien lortzen duen esleitzaileri emango zaio.

1.- Eskainitako prezioa: 55 puntu

Eskaintzarik merkeenari 55 puntu emango zaizkio, eta beste eskaintzaileei dagozkien puntuak eman beharko zaizkie honako formula hau aplikatuz:

$$\text{Puntuak} = (\text{Preziorik merkeena} \times 55) / \text{Eskainitako prezioa}$$

2.- Gaztea izatea. 41 urte baino gazteagoa izatekotan, 15 puntu emango litzaizkioke.

3.- Antzeko lanetan erakutsitako esperientzia: 10 puntu

4.- Emakumea izatea, edo pertsona juridikoen kasuetan akzioen %51a emakumeena izatea, 5 puntu emango litzaizkioke

5.- Esleitzailera enpresa unipertsonala, mikroenpresa edo autonomia izango balitz 15 puntu emango litzaizkioke.

ZERBITZUA EMAN BEHARREKO EPEA

Kontratuaren iraupena urtebete biko da, epea amaiturik iraungi beharko delarik, alderdi batek besteari ezer esan beharko ez diolarik.

Hala ere, epe hau amaitutakoan, esleipendunak zerbitzua ematen jarraitu beharko du esleipen berri bat eman arte, edo Urkiola Landa Garapen Elkartearen Presidenteak zerbitzua ematen uzteko esango ez balio.

ESKAINTZAK AURKEZTEKO EPEA ETA TOKIA

Eskaintzak 2020.eko maiatzaren 29ko arratsaldeko ordu biak arte, aurkeztu ahal izango dira, Urkiola Landa Garapenerako Alkartearen bulegoetan: Berrizko Margarita Maturana Kalea 7an (48240), edo jmtotorika@urkiola.org helbidera mezua bidaltzen.

LIZITAZIO PREZIOA

Gehienez eskaini ahal izango den prezioa hamabost mila (15.000.- €) eurokoa da.

Prezio honi dagokion BEZa gehitu beharko zaio.

ORDAINTZEKO ERA

Ordainketak hilabetero egingo dira, hilabetea amaiturik eta faktura aurkeztuta, esleitzeko prezioa hamabi ordainketatan banaturik.

KONTRATUAREN GARAPENARI APLIKAGARRIA ZAION LEGERIA

Kontratu honi, eta bere garapen eta betetzeari, Arlo Publikoaren Kontratuei buruzko azaroaren 8ko 9/2017 Legea aplikatuko zaio.

ATZERA EGITEKO AUKERA

Urkiola Landa Garapenerako Alkartearen Zuzendaritza Batzordeak kontratua inori ez ematea erabaki ahal izango du, eskaintzaileek kaudimena beteko ez balute, edo horri buruzko zalantzak izango balitu.

EPAITZEKO FORUA

Kontratu honi buruzko desadostasunak, auziak edo interpretatzeko zalantzak Bilboko Merkataritza, Industria eta Nabigazio Ganberaren aurreko arbitrajearen bidez konpondu edo erabakiko dira.

Berrizen, 2020.eko apirilaren 24an